


8089
8090
8091
8092
8093
8094
8095
8096
8097
8098
8099
8100



48

Bound by
Standard Bookbinding Co.
34-36 Pleasant Street,
Boston, Mass.

31 ՀՐԱՏԱՐԱԿՈՒԹԻՒՆ ՀՄԱՅԵԱԿ ԱՐԱՄԵԱՆՑԻ (Մ. ՇԽԱՏ) - 62

ԿԱՐԼ ԿԱՈՒՅԱԿԻ

ԱՊԱՏԱՄԲ ՅԻՍՈՒՍԸ



Թարգմ. Ս. ՅՈՎԱՆՆԻԿՈՆԻՆԸ


ՏՊԱՐԱՆ „ԿՈՀԱԿԻ“

Կ. Պոլիս, Պակ Աղի Էպունութ փողոց թի 27
1913

232
4-37

ԿԱՐԼ ԿԱՂԻՑԿԻ


ԱՊՈՏՈԼԻՔ ՅԻՍՈՒՍԸ



Թարգմ. Ս. ՅՈՒՆԻԿԱՅԱՆ

ՏՊԱՐԱՆ „ԿՈՀԱՆԻ“
Կ. Պոլիս, Պակ Աղի Էպուլուս փողոց թի 27
1913

1526X



Каутский

Կ. ԿՈ.ՈՒՅՑԿԻ
I.

Որ քրիստոնէութիւնը սկզբից եւեթ վշտալի հնագանդութեան մի կրօն է եղել, Յիառուսը ինքը ամեն մի ըլոնութիւնից հեռու էր պահում իրեն, այդ համարում է մինչեւ այսօր մի հաստատուն ճշմարտութիւն այս կրօնի բարեկամների եւ թշնամիների կողմից: Աւետարաններում, ինչպէս եւ առաքեալների պատմութեանց մէջ, չէ՞ որ ամենառուժեղ կերպով շեշտուում է ամեն բռնութեան կրաւորական հպատակութիւնը, չէ՞ որ Յիառուսն ասում է՝

«Լուարուք զի ասացաւ ակն ընդ ական եւ ատամն ընդ ատամն: Այլ ես ասեմ ձեզ, մի՛ կալ հակառակ չարին, այլ եթէ ոք ածիցէ ապտակ յաջ ծնոտ քո, գարձո՛ նմա եւ զմիւմն»: (Մատթէոս Ե. 38. 39):

Բայց իւրաքանչյուր աւետարան մի հեղինակի գործ չէ, նրանցից ասեն մէկը պարունակում է տարբեր ծագ-

ման կտորներ , որոնք առհասարակ մի ամբողջութեան մէջ շատ էլ յաջող չեն միացել , ուստի եւ զանագան տեսակի հակասութիւններ աջքի են ընկնում : Այսպէս , նրանց մէջ կան այնպիսի կտորներ , որոնք ուղղակի ցոյց են տալիս մի ըմբոստ մտածողութիւն , եւ մինչեւ անդամ երեւան են հանում ապստամբողական գործողութեանց ցուցմունքներ : Նոքա անհամապատասխան են աւետարանների ընդհանուր ոգուն : Ի՞նչպէս են նոքա այդտեղ ընկել :

Սա մէկն է այն հարցերից , որոնք ինձ զբաղեցնում էին «Քրիստոնէութեան ծագումը» գիրքը գրելիս : Ես գտայ , որ գորա համար կարող է լինել միայն մի պատասխան , որ վանումը է բոլոր հակասութիւնները : Դա այն ենթադրութիւնն է , որ քրիստոնէական համայնքը սկզբում ապստամբողական ընոյթ ունէր եւ դրա յիշողութիւնն է , որ ապրում է ակնարկած տողերում : Միայն յետոյ է քրիստոնէութեան մէջ ամեն մի բնութեան համբերելու պահանջը մտել . ապա թէ փորձել են աւանդութիւններից բանի ապստամբողականութեան բոլոր հետքերը արմատահան անել : Սակայն այդ բանը կատարւել է թերի եւ այդպիսով նախնական ընաւորութեան մի քանի հետքերը մնացել են տակաւին :

Այս ենթադրութիւնը ոչ միայն փարատում է մի շաբք հակասութիւններ աւետարաններում , այլ եւ շատ լաւ յարմարում է այն պատմական կացութեան , որի մէջ յառաջ եկաւ քրիստոնէութիւնը : Պաղեստինում հրէութիւնը եւ յատկապէս նրա ստորին խաւը , հռովմէական իշխանութեան տակ յուսահատութեան էր հասել . բոլոր գործունեայ տարրերը , բացառութեամբ քահանայական ազնուականութեան , ճգնում էին հռովմէական լծի բննի թօթափման համար : Գնալով աւելի սրւում էին հակառակութիւններ , հետզհետէ ուժգնորէն ա-

ճում էր զայրոյթը , որը իւրաքանչիւր առթիւ ինչպէս երուսաղէմում , այնպէս էլ Գալիլիայում խռովութեան ու ապստամբութեան կերպարանք էր ստանում , մինչեւ որ բանը հասաւ այն ուժեղ պայթիւնն , որ հրէական պետական ամբողջութեան մի վերջ պէտք է տար :

Բայց ինչքան մեր ենթադրութիւնը ատակ է նախնական քրիստոնէական գրականութեան հակասութիւնները լուծելու , եւ ինչքան նա յարմարում է նախնական քրիստոնէութեան միջավայրին , այնքան էլ նա անհամաձայն է ոչ միայն աւանդական հայեացքների հետ , այլ եւ ամենի հետ , որոնք այսօր քրիստոնէութիւնների կենսական ոյժն են կազմում : Սա կրօնն է բոլոր խեղճերի ու ճնշածների , որոնք մի աւելի լաւ կեանք են տենչում ամենայն եռանդով , բայց իրենց մէջ ոյժ չեն զգում նրա համար կռւելու : Սա կրօնն է ուժեղների եւ հարուստների , որոնք թոյլ չեն տալիս աղքանների ու ճնշածների մէջ առաջ գայ ոյժի գիտակցութիւնը : Նրանց բոլորի համար լուսութեամբ համբերող Յիսուսը պրօեւարի նախատիպ է դարձել : Եթէ այս նախատիպը , որպէս ապստամբ է երեւան գալիս , այն ժամանակ քրիստոնէութիւնը գաղարում է այն կրօնը լինելուց , որ պիտի պահպանէր ժողովրդի համար :

Հարցի այս գործնական հետեւութիւնը պէտք է պարզեւէ նրան մեծ հետաքրքրութիւն . նա դադարում է մի զուտ փարզապետական հարց լինելուց :

Այս բանը լաւ է հասկացել մի աստուածաբան , որ մօտ ժամանակներս յիշատակած աշխատութեանս դէմ մի գրքոյէ էր ուղղել : Ինչպէս առաջաբանում նկատում է «Վիրաքանչիւր պաշտօնի մէջ եղած Աստուածաբանի համար անթոյլատրելի է համայնքի պատահական Աօցիալ Դէմօկրատ անդամների առաջ այս կէտում պատասխանատութեան ենթարկւիլ» :

Միւս կողմից այս գործնական հետաքրքրութիւնը պարզապէս վտանգ է բերում իւր հետ տեսողութեան անընդողութիւնը պղտորելու համար : Այս դէպքում միայն իմ աստւածաբան քննադասների համար :

Մենք Մարքսիստներս յենում ենք մեր յեղափո. խական սօցիալիզմը ոչ թէ Յիսուսի օրինակի, այլ արն-տեսական խորհրդածութեանց վրայ : Ինչպէս էլ լինի մեր նախնական քրիստոնէութեան հետախուզութեան արդիւնքը, մեր պրաքտիկան եւ նրա հիմքերի անդրդւելիութիւնը մնում է սուսախտ : Մենք քրիստոնէութեան ծագման վերաբերմամբ մի շահ միայն ունինք, ըմբռնել այն, դուրս բերել նրան հրաշքների շարքից : Խրաֆան. ջիւր տեսութիւն, որ մեզ ըմբռնելի կը կացուցանէ նրա ծագումը՝ կարծանանայ մեր անմիջական ուշագրու. թեան :

Այսպէս ես չեմ պնդում, որ առաջին քրիստոնեա. ները ապստամբներ են եղել, սա մի ենթադրութիւն է, որ աւետարանների հակասութիւնները պարզելու համար ինձ աւելի լաւ է երեւում եւ որ ամենից աւելի համա. պատասխանում է այն վայրի պատմական դրութեան, ուր քրիստոնէութիւնը ծագել է : Ես սիրով կը թողնեմ այն, եթէ առաջ գայ մի ուրիշ ենթադրութիւն, որ յաջողէ նոյն հակասութիւնները աւելի լաւ կամ գոնէ նոյնքան լաւ լուծել եւ որ համապատասխանէ այն ժա. մանակի հանգամանքներին :

Արդ, յաջողւել է այդ լինդիրը յիշեալ աստւածա. բան դոքա. Վինախիշն, կամ առնւազն կարողացել է նա. ցոյց տալ իմ ենթադրութեան անկայտնութիւնը : Ամե. նից առաջ նա փորձում է վերջինը, նա պնդում է, որ իմ մեկնութիւնը առաջ է բերել մի «անլուծանելի առեղծւած» :

«Ի՞նչը միասին պահեց ապստամբի հետեւորդներին

իրենց առաջնորդի մահւան դաստավարութելուց յետոյ, դա մի անօրինակ բան է» :

Կարող էր պատահէել, որ առաջնորդի անկումից յետոյ նրա աշակերտները դեռ աւելի եւս գրգռէին, սակայն այդ դէպքում միւս կուտղ հրէաների հետ պէտք է ուղղակի կորսւէին :

«Երբէք մի վաղուց ընկած մոլեսնդ գլխաւորի անունով մի նոր կազմւող համայնք չի եղել, որը հակա. սական խթէալներ ունենար : Աւետարանական քրիստոնէ. ական յայտնութեան հանձարեղութիւնը, խորութիւնը եւ պարզութիւնը գուրս է բերում մի ստեղծագործող անձնաւորութիւն, որը աճեց հեռու յեղափոխական գործնէութեան անհանգիստ վայրերից : Յիսուսը, որին քրիստոնեայ համայնքը արդէն 70 տարի յետոյ պաշտում էր ու յարգում, չէր կարող յեղափոխական շընաներից ծագած լինել, որնց ձգտումները համայնքը ինքը արհամարհում էր : Այսպէս խորտակւում է մարքսիստ կառուցկու ըմբռնումը, երբ մարդ սառն ու լուրջ կերպով կշռադատում է այն» (Ե. 45):

Այս բացատրութիւնները ամենից առաջ ցոյց են տալիս, թէ ինչպիսի արժէքաւոր նեցուկ եւ ինչ անհրա. ժեշտ նախապայմանն է մի յառաջացող յեղափոխութեան գործնական խորին ծանօթութիւնը նախնական քրիստո. նէութիւնը ուսումնասիրելիս : Պ. Դոքտ. Վինախիշն իմ «ըմբռնումը» անկայուն է երեւում, որովհետեւ նա չի կարող երեւակայել նրա նախարարութաց գրութիւնները : Նոքա պէտք է «առանց նմանութեան» լինին : Եւ սակայն նա նմանութիւններ է գտնում ոչ միայն Ռեֆորմացիայի ժամանակի կօմունիստական աղանդների, այլ եւ ժա. մանակակից Սօցիալիզմի պատմութեան մէջ :

Յունական թարգորիսները, օրինակ, շատ ըմբռն բնաւորութիւն ունէին, ճնշւելուց յետոյ նոցա աղանդն

ընդունեց շատ խաղաղ ընտառութիւն, բոհեմական եղբայրութիւն անւան տակ : Կրիմակիքները նոյնպէս նայած պատմական կացութեան ըմբոստ կամ չնազանդ են եղել :

Բայց եթէ մի սեքտ կամ միութիւն վոփիսւում է, չեշտութեամբ կը վոփիսուի նաեւ այն հասկացողութիւնը, որ վերագրում է այդ միութեան հիմնարկողն, որի ուսման վրայ կազմում է այդ միութիւնը :

Նոյն խել մի այնպիսի մարդու մաքերը, ինչպիսին Մարքն է, որ թողել է պարզ ու մեկն երկեր, ապահով չեն այս ճակատագրից : Արդէն այսօր այդ մեծ յեղափոխականը ջի՞ն ներկայացում բեւիզինիստների կողմից, որպէս հակայեղափոխական : Եթէ Ա. Դ.-եան ամբողջովին բեւիզոնիստ լինէր՝ այն ժամանակ Մարքով հասարակութեան գիտակցութեան մէջ կապէր, իբրեւ հակառակորդ ամեն մի յեղափոխական գործնէութեան: Ինչը առ աւելի հեշտ կերպով հնարաւոր էր մի այնպիսի անձնաւորութեան շուրջը եղող աւանդութեան վոփիսւում, որի գործերն ու կեանքը երկար դարեր ապրում էին միայն բերանացի : Թէ ինչքան քցիստոնեաները ընդունակ էին իրենց հասած գաղափարները վերագրելու իրենց Աստուծոյն, կարելի է խմանալ նրանից, որ աւետարանների մէջ մաքերի ամբողջ շարքեր ցոյց են տրւած, որպէս Յիսուսի խօսքեր, մինչդեռ այդ մաքերը նրանից առաջ արգէն յայնի էին :

Դեռ աւելին, որպէս թէ իմ ենթագրութիւնը անօրինակ է, հենց մեր կուսակցութեան գարգացման, ինչպէս եւ միջնադարեան կոմունիստական սեքտերի եւ ուժօրմացիայի պատմութեան մէջ եղող նման օրինակները ինձ այն մաքեն են բերել, որ նախնական քրիստոնէութեան մէջ նմանորինակ մի գիտէքտիկական ծածկոցի հետ գործ ունինք : Եւ երբ ես աւանդուած

վկայութիւնները այս աւեստիկտով վերլուծեցի, յանկարծինձ համար պարզւեց շատ բան, որ ցարդ անհատականալի էր եղել :

Դեռ մեր աստւածաբան դոքտորը յեղափոխական շարժմանց իրական պատմութեան վերաբերմամբ իրեն աւելի քիչ վստահ է ցոյց տալիս, երբ նրան անհաւատասալի է երեւում, որ «մի ապստամբի յաջորդները» գրլիսաւորի մահից յետոյ շարունակեն իրենց համակեցութիւնը :

Պատահում է, ինչպէս Վինդիչն ընդունում է, որ մի ապստամբական սեքտ կամ միութիւն իւր գլխաւորի մահւանից յետոյ կազմալուծում է կամ թոյլ ճիւղերի է բաժանում եւ չետզիսէ անհետանում է, բայց Վինդիշը սխալում է, երբ կարծում է, որ առաջնորդի մահից յետոյ մի այլ հետեւանք անկարելի է : Միթէ չեն պատահել օրինակներ, երբ յեղափոխական շարժումներ ոչ միայն զեկուարների գատապարտութեամբ այլ եւ մասսայական կոտորածներով խեղդւել են ար, ետև մէջ, բայց մի քանի տարի յետոյ վերակասուել են եւ ոչ թէ անզօր զարոյթ դուրս թափելու այլ հասունու դրական գործի անարդել առաջնադացութեան համար : Ոչ 1848-ի յունիսեան ճակատամարտը, ոչ 1871-ի մայիսեան շաբաթը չրկարողացան խեղդել Սոցիալիզմը մարմանիայում :

Կամ, եթէ Վինդիշը բերում է մի աւելի քիչ մասսայական եղող շարժման օրինակ, յիշենք, թէ ինչպէս քիչ յաջողւեց 70-ական եւ 80-ական թուականներին ուղևական աքսոլիւտիկմին այնքան անթիւ յանդուգն ու սրամիս յեղափոխականների մահացումով բնդմիշտ խեղդել Ռուսաստանում սկսւած յեղափոխական շարժումը :

Առաջնորդի գատապարտումով յեղափոխական կազմակերպութեան լուծուիլը կամ չըլուծուիլը կախւած է

նրանից, թէ արդեօք այդ կազմակերպութիւնը միայն իւր առաջնորդի անսովոր անհատականութեան արդիւնք է, թէ նա անհրաժեշտ կարիքներից է ծագել, որոնք հասարակական հանդամանքների չնորհիւ միշտ նորից հանդէս են գալիս : Եթէ քրիստոնէութիւնը, ինչպէս ես ենթադրում եմ, այդպիսի հանդամանքների եւ նրանցից բղխող հոգեբանական կարիքների արդիւնք էր, դրանով ցուցադրուած է միաժամանակ եւ այն պատճառը՝ հանդամանքը, որ «Ապստամբի հետեւորդներին իրենց պետի մաշւանից յետոյ միացած պահեց» : Աստւածաբանական տեսակէտից, որից Պտ. Վինդիշն է ենում, ընդհակառակը այդ միութիւնը ըստ ամենայնի անբացարելի է մնում : Աստւածաբանների համար քրիստոնէութիւնը բացարձակապէս Քրիստոսի «ատեղծագործող եւ կրօնական անձնաւորութեան» արդիւնք էր :

«Եթէ մենք կամենում ենք հասկանալ նախնական քրիստոնէութիւնը, մենք ըսպիտի ինկատի ունենանք մի համտյանական կամք կամ մի կուսակցական ուսմունք, այլ այն անձնաւորութիւնը, որ ստեղծեց շատերի կամքը եւ իւր վարդապետութեան ու գործերի միջոցով հիմք գրեց համայնքի ու նրա հայեացքներին (Ե. 28 եւ 93)»:

Ով կանգնած է այս տեսակէտի վրայ, նրա համար բացարձակապէս անհասկանալի կը մնայ «ապստամբի հետեւորդների» համակերպութիւնը «իրենց առաջնորդի մահապատութիւնից յետոյ»: Բայց այս գէպքում դոյզին ինչ աւելի հասկանալի կըդառնայ միթէ նրանց համախմբութիւնը, եթէ նոքա չունենային ապստամբական ընոյթ, այլ ունենային խաղաղ ոգի : Աստւածաբանական հասկացողութեամբ նրանց միասն է պահել միայն իրենց առաջնորդի անձնաւորութիւնը, միայն նա է նրանց ոյժ ու յարատեւութիւն տւել : Իւր անձնաւորութեամբ ու ուժով նա այնքան գերազանց էր, որ նրա հաւատա-

րիմ աշակերտներն իսկ նրան չէին հասկանում: Նրա կալանաւորութիւնն արդէն նրանց շփոթեցրեց ու վախեցրեց :

Եթէ Աստւածաբանները վարդապետի գատապարտութիւնից յետոյ համայնքի անքակ մնալը այսպիսի հանդամանքների միջոցով են ուղում բացատրել, իսկապէս նրանց այլեւս ոչինչ չէ մնում, բայց եթէ ապաստան որոնել մի հրաշքի մօտ: Կոյնիսկ նրանցից ամենալուսաւորածներն էլ օծեալի յարութեան մէջ են տեսնում այն գործօնը, որ ցրւած համայնքը պահում է միասին: Լուսաւորածները ուղղափառներից տարբերում են միայն նրանով, որ նրանք յարութիւնը մի քանի աշակերտների հալլուսինասիոնին են սոսկ վերագրում: Բայց որ մի կազմակերպութիւն-համայնք, որ արդէն համարեա երկու հազար տարի կեանք ունի եւ որ երկար գարեր իշխել է ամբողջ քաղաքակիրթ աշխարհին, մի կամ մի քանի անյայտ խեղճ մարդուց է առաջ եկել, դա ինքը պակաս հրաշք չէ, քան մի մեռածի յարութիւնը :

Այն գործօնի հարցը, որ աշակերտներին իրենց ուսուցչի մահանից յետոյ միացած պահեց, ինձ չէ վերաբերում, այլ նրանց, որոնք ինձ առարկում են :

II

Բացի այն ցուցմունքից, թէ ապստամբների միասին մնալը առաջնորդի մահանից յետոյ «անօրինակ բան է», Վինդիշը չի բերում ուրիշ ոչինչ, որը ցոյց տար իմ ենթադրութեան անհնարին լինելը :

Նարունակելով նա ձգտում է հակասութիւնների համար տուած իմ բացատրութեան գէմ գնել մի ուրիշը, որ աւելի լուս համապատասխանէր Յիսուսի լուս համ-

բերութեան աւանդական ըմբռանման : Եթէ այդ բանը նրան յաջողւէր, դրանով գեռ եւս նա բացարձակալավէս ցոյց տւած չէր լինի, որ իմ վարկածը կեղծ է, սխալ է, այլ միայն նա կը կրցնէր իւր հաստատութիւնը եւ կը դառնար երկբայելլի :

Դժբախտաբար վիճուշի լուսաբանման վորձերը վերաբերում են միայն իմ մի քանի առարկութեան, համարեա ամենակարեւոր կէտը, որի վրայ յենւում է իմ տեսութիւնը, նա աչքաթող է անում առանց նոյն իսկ լուսաբանութեան մի փորձ անելու :

Ես կարծում եմ ինձ յաջողւել է իմ գրքում ցոյց տալ, որ Յիսուսի չարչարմնքի պատմութիւնը իւր ներկայ ըմբռնմամբ պարունակում է անմուռութիւնների մի կոյտ, որոնց նապատակն է միայն ամեն արժէքով հրէաններին որպէս Յիսուսի մահապարտութեան հեղինակ ցոյց տալ: Պրօցեսը, որ յանդեց գալիխացու դատապարտութեան, այն ժամանակ միայն մի միտք կունենար, եթէ նա մեղադրէր, որպէս Հռովմի դէմ ապստամբութեան գդառում ունեցող :

Դրա հետ սերտ կապւած է այն, որ Յիսուսը ինքն իրեն աւետարանի պատմութեան համաձայն Մեսիա էր հրատարակում, որի համաձայն եւ ապրեց պատմութեան մէջ: Քրիստոս՝ յունարէն բան է Մեսիայի համար: Բայց, համաձայն այն ժամանակի ընդհանուր հրէանա լեզւի գործածութեան, Մեսիա բասի տակ հասկացում էր հրէա ժողովրդի ապատիլը, որ թօթափելով օտար լուծը պէտք է առաջնորդէր նրանց դէպի բոլոր ազգերին յաղթահարելը: Մակաբայեցոց ժամանակից սկսած Մեսիականների միութիւնը մի մարտական միարանութիւն էր: Մեսիականութեան այսպիսի ըմբռնումը ընդունւում էր ամեռողջ հրէութիւնից, միայն ամ պակաս հրաշազօր ուժերի գունաւոր

մամբ, որոնց միջոցով պէտք է գործէր Մեսիան, տարբերուում էին միմիանցից մեսիական զանազան ակնկալութիւնները :

Եթէ Յիսուսը չէր բաժանում այս մարտական ակնկալութիւնները, այլ աւելի շուտ դատապարտում էր, եթէ նա լուս համբերութիւն, հրաժարումն եւ հոգու մաքրութեան համար բոլոր ձգտումների սահմանաւորումնէր պահանջում, այն ժամանակ նա բոլորին անհասկանալի կերպով իրեն Մեսիա հոչակեց :

Աղաղակող հակասութիւնը մեսիականութեան եւ ընդհանրապէս Յիսուսի ըերանը դրած աւետարանների միտումների՝ այլեւս այսօր չի կարող ընդունվիլ, որովհետեւ սկսած երուսաղէմի կործանումից մեսիական հին ըմբռնումը դադարեց հետզետէ ազգելուց եւ լսու ամենայնի քրիստոնէական շրջանում մի նոր հասկացողութիւնն՝ մեղքերի թողչի՝ հանդէս է եկել եւ արմատացել: Բայց մենք Յիսուսին իւր ժամանակի եւ ոչ թէ յետագայ դարերի չափով ենք չափում, իսկ այն ժամանակ նա միայն կարող էր իրեն Մեսիա անւանել, ով իրեն կոչուած կը զգար հրէայ ժողովրդին ճնշողների վրայ յաղթութիւն տանելու:

Եթէ մի հեզ ու համբերող մէկը իրեն այն ժամանակ Մեսիա անւանէր, այդ նոյնքան անմիտ բան կը լինէր, ինչքան որ, եթէ այսօր Թօլատոյը իրեն բօմբածիգ տեռուրիստ ցոյց տար. դիսլածական յաւելումներով, նա բնականաբար կը մտածէր միայն հոգեւոր բօմբերի մասին, տեռուրը, որ նա ուզենար կատարել, կը լինէր յետ ընկրիումն ամեն տեսակի բռնութեան առաջ, դալով ուժին, որով նա ուժեղներին ճնշել կամենար, դա էլ կը լինէր մեղմութեան ու հրաժարման նախատիպի ոյժը: Եւ եթէ այն ժամանակ մի քննող դատաւոր, որ չի ճանաչում այս խտրութիւնները, զա-

տումները, կամչէ թօլսոյին իւր առաջ եւ հարցնի . ճիշտ է, որ դու մի բօմբաձիգ տեսորիստ ես եւ մեղադրողը պատասխանէ, — դու ասացիր, այն ժամանակ ով ճանաչում է թօլսոյի խակական հայեացքները, չի կասկածի որ մեծ բանաստեղծը խելագարւել է :

Այս բոլոր մտածումները Պ. Վինդիշի համար գոյութիւն չունին : Այս ցուցմունքը, թէ Յիսուսի չարչարանքի պատմութեան մէջ միայն այն ժամանակ միութիւն եւ միաք կը գտնէ, երբ մարդ ընդունէ, որ Յիսուսը դատւեց որպէս գաւադիր ընդդէմ Հռովմի, նա անտես է առնում, ինչպէս եւ այն, որ նոյնիսկ դեռ աւետարանների մէջ հին հրէական մեսիական բմբանումը անցնում է կարմիր թելի պէս :

Նա զբաղւում է միայն աւետարանի մի քանի կտորներով, որ ես իմ գրքի «Յիսուսի ապստամբականութիւնը» գլխում բերել եմ իմ տեսակէտի պաշտպանութեան համար :

Եթէ Յիսուսը ասում է Մատթէոսի աւետարանում (Ժ. 34), թէ «մի համարէք, եթէ եկի արկանել խաղաղութիւն յերկիր, ոչ եկի արկանել խաղաղութիւն», այլ սուր», ըստ Վինդիշի այս պէտք է «զուտ հոգեւոր» մտքով ըմբռնել, այն է սուրը ուրիշ ոչնչ չէ նշանակում, բայց եթէ ընտանեկան գժութիւն, եւ այս նախադասութիւնը ոչ թէ գոռող կուրարութիւն, այլ վշտուի ափսոսանք է արտայայտում: Վինդիշը կարծում է «Ապաշխարութեան, սիրոյ եւ խաղաղութեան քարոզիչը պէտք է ի ցաւ իւր զգար ու գոչը, որ իւր ցանկացած ելքը իւրաքանչիւր մարդու պէտք է բաժանէր իւր սեպհական ընտանիքից» (Ե. 46.) :

Այդ բանը փոխադարձ յարաբերութիւններից պէտք է առաջ դար: Սակայն սուրին վերաբերող նախադասութիւնը չի մատնանշում միայն ընտանեկան կեանքի

գժութիւնը, այլ նաեւ ցուցադրում է առաքեալներին, թէ քանի նրանք ագիտացիա էին անում պիտի հակառակ լինէին ազգալճակութեան եւ իշխանութեան: Յիսուսը ընտանիքների տարածայնութեան մասին էլ, որ իւր վարդապետութեան հետեւանքը պիտի լինէր, խօսում է, բայց միայն կուի սրութիւնը ցոյց տալու համար, «Մատնեսցէ եղբայր զեղբայր ի մահ եւ հայր զորդի, եւ յարիցեն որդիք ի վերայ հարց եւ սպանանիցեն զնոտա» . սա աւելի շուտ քաղաքացիական կուում «Հօր եւ մօր վրայ հրազէն պարպելն» է յիշեցնում:

Որ այնտեղ սուր խօսքը պէտք է զուտ հոգեւոր մտքով հասկանալ, արդէն իրաւամբ կասկածելի է դանում:

Բայց մենք չը պէտք է երկար գեղերինք, ինքը Վինդիշը ասում է, որ սուրի մասին եղած միւս խօսքը, որը ես կոչում եմ, չըպիտի հոգեւոր մտքով հասկանալ:

«Եւ ասէ ցնոսա, յորժամ առաքեցի զձեզ առանց քսակի եւ մախաղի եւ կօշկաց, միթէ կարօտացած յլք իմիք: Եւ նոքա ասեն, եւ ոչ իմիք, ապա ասէ, այլ այժմ որ ունիցի քսակ՝ բարձցէ, նոյնպէս եւ մախաղ, եւ որ ոչն ունիցի, վաճառեսցէ զձորձս իւր գնեսցէ իւր սուսեր: Բայց ասեմ ձեզ, զի այս եւս որ գրեալ է պարտ է զի կատարեսցի յիս, թէ լնդ անօրէնս համարեցաւ, զի որ վասն իմ ինչ է՝ վճարեալ է: Եւ նոքա ասեն, Տէր, աշաւասիկ են աստ երկու սուրք, եւ նա ասէ ցնոսա, բաւական են» (Ղուկաս Ի. 35—39) :

Ի՞նչ էին անում աշակերտները սրերը, եթէ Յիսուսը անպայման անձնատրութիւն եւ հնազանդութիւն էր քարոզում: Դրա համար Վինդիշը երկու պատասխան ունի, բայց ոչ մէկը իւր սրտով չէ: Ամենից առաջ նա կարծում է .

«Սուր առնելու պահանջի նպատակն է իւր տասներ-

կու աշակերտներին հին մարդարէութեան անցեալ յիշատախների հետ կապելը (Ղուկաս իբ. 35: Գալիք մեսիտ կան ճանապարհորդութեան համար Յիսուսը հրամայում էր իւր աշակերտներին սուր կըել իրենց հետ» :

Բնականաբար ոչ թէ խոսվութեան, այլ պաշտամնւելու համար :

Այս հասկացողութեան վրայ Վինդիշը լինքը պէտք է աւելացնէ .

«Վիշտուշտ այսպիսով էլ այս կարգադրութիւնը հասկասում է Յիսուսի ճանապարհորդութեան նախկին ոգուն : Եթէ այս խօսքը նրան է վերաբերում, ապա նա արտասանել է մի առանձնայասուկ դրութեան մէջ, երբ նա ընդդիմութեան հակառակ լինելով հանդերձ իւր աշակերտների սուր պահելը անպայման կարեւոր է համարում» :

Որ այս նախադասութիւնը առաջուց Յիսուսի բերանը դրած վարդապետութեան հետ չի համաձայնում, այդպիսով Վինդիշը ինքն էլ խոստովանած կը լինէր :

Հակառակ դրան այն եղանակը, որով նա յամառ կերպով կամենում է հասկանալի դարձնել, այնուամենայնիւ շատ էլ համոզեցուցիչ չէ : Նա կապում է այդ նախադասութիւնը առաքեալների քարոզչական գործունէութեան նախանցեալի հետ: Ես եւս կարծում եմ, որ այդ երկուսը մի կապ ունին, բայց ես չեմ կարսզ հասկանալ, ինչ տրամաբանական հետեւութիւն կայ Վինդիշի ցուցադրած կապի մէջ . Յիսուսը հարցնում է աշակերտներին, թէ լա՞ւ է առցնում արդեօք իրենց համար քարոզչական ճանապարհորդութեան ժամանակ եւ նրանք ասում են, այո՛, ինչպէս կարող է այս պատասխանը առիթ տալ յայտարարելու, թէ ձեր առաջիկայ քարոզչական ճանապարհորդութեան ժամանակ դուք պէտք է սուր վերցնէք ձեր պաշտամնութեան համար :

Ինչո՞ւ համար էր սուրը, եթէ մինչ այդ առանց սրինանց ոչինչ չէր պատահել :

Եւ ոչ միայն անտրամաբանական է այսուհետեւ սրով ճանապարհորդելու պահանջը, այլ եւ անխոհեմ, թափառող մուրացկանները, ինչպիսիք էին առաքեալները, աւազախներից վախենալու ոչինչ չունէին . եթէ նոքա քարոզութեանց ժամանակ թշնամի իշխանութեան կամ ժողովրդական մասսաների վրայ էին յարձակւելու, այդ դէպքում ցրւած միայնացած քարոզիչների համար իրենց սրերը ոչ մի պաշտպանութիւն չին կարող ցոյց տալ, նոքա դրանով կարող էին միայն վտանգվի, քանի որ սրերը անվստահութիւն եւ մինչեւ անդամ զայրոյթ կարող էին գրգռել :

Մենք ըստիտենք մի դէպք, որ քրիստոնեայ քարոզիչները զինւած ճանապարհորդած լինին: Մինչեւ այսօր էլ անդէն միսիօնարները վայրենիներից ամենավայրենիների մօտ միայն ճնորհիւ իրենց անզէնութեան իշխող օրէնքի գիմաց աւելի յաջողութիւն են ունենում, քան այն ճանապարհորդները, որ տրամադիր են ամէն տեսակ բռնութեան :

Ոչ քարոզչական գործնէութեան մինչ այն ժամանակայ փորձառութիւնը եւ ոչ էլ իրական մամնաւոր խորհրդածութիւնը ամենափոքր առիթ անգամ չեն տալիս Յիսուսին, եթէ իրօք նա քարոզում էր լուռ խոնարհութիւն, որ նա պատկրէր իւր աշակերտներին պատրաստել զինւած պաշտպանութեան համար :

Ընդհակառակը բոլոր կտորների ամբողջութիւնը հասկանակի կը լինէր, եթէ ընդունինք, որ Յիսուս պահանջում էր զինումն մի ապստամբական փորձի համար: Այն ժամանակ նա ասում է, դուք քարոզել էք մինչեւ այժմ, ինչպէս ես ձեզ ասել եմ եւ յաջողել էք: այժմ ասում է այլեւս չխօսիլ, այլ գործել, թող լորաբանվերը ձեռք բերէ իւր համար մի սուր:

Աշակերտների նկատողութեան (թէ այստեղ երկու սուր կայ) եւ Յիսուսի պատասխանի համար (թէ բաւական է) Վինդիշը ինքը խոստովանում է, որ իւր մեկնութիւնը այն կտորի, որը որպէս թէ ցուցմունք է ապագայ միսիօնէրական գործնէութեան, այստեղ չի յարմարուում։ Եւ դորա համար նա առաջ է բերում նոյնպիսի մի երկրորդ մեկնութիւն։ — Յիսուսը պահանջում էր աշակերտների զինումն, ոչ թէ միայն ապագայի, այլև ներկայի համար, եւ այն ոչ թէ յարձակման, այլ պաշտպանելու համար։

«Աշակերտների յայսնումը (թէ այստեղ երկու սուր կայ), եւ նրան հետեւող Յիսուսի պատասխանը (թէ բաւական է), լաւ չի յարմարում ապագայ քարոզական գործնէութեան ցուցմունքին։ Սրերի պատրաստ լինելը լուսէապէս յայսնեց եւ Յիսուսից գործածութեան համար օգտակար համարեց։ Այդ կարգադրութիւնից յետոյ խրաքանչիւրը կարող էր մի սուր ունենալ, դեռ միայն վեցերորդ մասն էր հայթայթուած։ Գուցէ առաքելութեան վերաբերող նկատողութիւնները մի ուրիշ կապ ունին։ Յամենայն դէպս աշակերտների պատրաստութիւնը եւ Յիսուսի վճիռը ցոյց են տալիս, որ այդ խումբը որ եւ է կուի չէր գնում։ այսպիսի դէպքում նոքա կը ներկայացնէին մի ծիծաղելի «միութիւն» եւ նրանց առաջնորդը շատ էլ խելօք եղած չէր լինի։ Այսպէս Յիսուսը այստեղ էլ միայն մի յարձակման դիմագրելու մասին կարող է մտածած լինիլ։ Նա կռաչել էր իւր թշնամիների ծրագիրը եւ տատանման մէջ կարող էր ընկած լինիլ, պէտք էր պաշտպանութիւն արդեօք, թէ անձնատուր լինիլ։ Գեթսէմանի այդու ինքնամարտնչող աղօթքի պատմութիւնը ցոյց է տալիս, որ զինուած պաշտպանութեան մտածմունքը նրան պաշարել էր, միայն իւր աղօթքի վերջում նու վճուց անձնատուր լինել

եւ երբ իւր պաշտպանութեան համար իւր առաջօրէն պատուիրած սրերից մէկը մերկացւեց, նա արգիլեց իւր խիզախ աշակերտին յետայնու գործածելը։ Նա հաւանորէն չը նկատեց, թէ ինչ վափոխութիւն է առաջ եկել իւր ուսուցչի մէջ, թէ ինչպիսի որոշում էր նա կայացրել։ Այսպէս Յիսուսը ինքը զինած պաշտպանութեան պատուիրածնը մի կողմ նետեց եւ վերադարձաւ այն նախակին դրութեան, որ քարոզել էր բոլոր աշակերտներին՝ համբերել եւ տանջուիլ» (Ե. 48, 49)։

Այս տեղ էլ Վինդիշը կրկին պիտի ինքն ասէ, որ Յիսուսի այս տեղում յիշատակուած խօսքերի եւ նրա յետագայ վարմունքի մէջ մի ակնյայտ հակառակութիւնն կայ։ Բնականաբար նա այստեղ էլ չէր կարող մտածել լուծել հակառակութիւնը՝ ընդունելով, որ Յիսուսի կեանքի մասին երկու տարբեր աւանդութիւններ կան, մէկը յետագայ, որի մէջ դուրս է եկել որպէս համբերող եւ մէկը առաջւայ, որի մէջ դուրս է եկել որպէս ըմբստացող եւ որ վերջինիս հետքերը ի միջի այլոց առաջիններէն, կցուելով մնացել են, սակայն սրանց բուն նշանակութիւնը այնուհետեւ խանուել է նրանց հետ եւ կազմել անլուծանելի հակառակութիւններ։

Զինւելու պահանջը ըպէտք է ընդունիլ որպէս կուի ծրագիր, որովհետեւ երկու սուրն Յիսուսը բաւական համարեց. դրանով չէր կարելի կուիլ։ Շատ ձիշտէ, եթէ Յիսուսը այդ կամենար նա անջուշտ «համարեամբնախելօքը չէր լինի»։ Սակայն նա ամենավորը չափով անդամ խելօք չէր լինի եւ նոյն դէպքում, երբ երկու սուրը բաւական համարեց Երուսաղէմի զինեալութիւն մի ձեռնարկութիւն յետ մղելու համար։ Այսպէս թէ այնպէս՝ երկու թիւը յամենայն դէպս անմիտ է այստեղում։ Այս նախադասութիւնը կամ եղծւել է կամ անհամարկանալի կերպով առաջ է բերւել մի ուրիշ

կասպակցութիւնից : Երկու սրի ցուցմունքը կարող է նշանակալից երեւալ մի աստուածաբանի , որը աւետարանի մէջ իրականութեան մի ճիշտ պատմութիւն է տեսնում : Նա կարեւորութիւն չունի մի պատմաբանի համար , որի աչքում աւետարանները ճշգրիտ եւ նշանակալից արտայացութիւններն են այն շրջանի ճգուտմների ու տրամադրութիւնների , որոցից նոքա առաջ են եկել , որի աչքում նրանք կատարելապէս անվատահելի են երեւում , որպէս աղբիւր մամնակի գէպքերի ու խօսքերի :

Բաց ի Յիսուսի բաւական համարած սրերի քչութեան ցուցմունքից , Վինդիշը չի բերում ուրիշ ոչ մի փաստ , թէ զինւելու պահանջը պաշտպանւելու համար է ասւած եւ ոչ թէ յարձակւելու . բայց այն գերի մէջ . որ նա վերագրում է Յիսուսին , նրա զինւելու պատվիրանը ըացարելով որպէս լոկ ինքնապաշտպանութեան ցանկութիւն , այն գերի մէջ իւր հերոսը երեւում է ոչ իբրեւ «ամենախելօքը» եւ ոչ էլ որպէս ամենաանվկանդը :

Վինդիշը գործը ներկայացնում է հետեւեալ ձեւով .

Յիսուսը քարոզում էր միշտ համբերութիւն , վշտակցութիւն եւ զանցառութիւն ամէն մի գիմագրութեան : Նա իմանում է , որ ինքը պէտք է կալանաւորւէ : Այդ լուրից նա ըոլորովին կորցնում է իւր հաւասարակշութիւնը , կորցնում է գլուխը եւ վճռում է զինւած դիմագրութիւն երկու սրով :

Այսպիսի մի վարմունք . խօսելով ըստ Վինդիշի , անօրինակ է : Ով այնպէս խաղաղասէր ու հնագանդ է , ինչպիսին համարւում է Յիսուսը եւ ընդ սմին , ինչպէս Վինդիշն է ընդունում , երկիւղանում է վճռական ըոպէին մարտիրոսանալուց , նա չի որոշի բանի դիմագրութիւն , մանաւանդ կատարելապէս անբաւարար միջոցներով : Նա կը փախչէր : Դորա համար Յիսուսը , եթէ նա իրօք Վինդիշի ասած հոգեբանական պրօցեսով բնուած էր ,

պէտք է աւելի շատ մտածէր , որ լեռնուտ գալիլիայի անապատը մօտ է եւ իրեն լաւ ծանօթ . ու փորձառութիւնը ցոյց է տալիս , որ մարդ կարող է այստեղ երկար տարիներ ամէն տեսակի հետապնդումներից ազատ մնալ :

Եթէ Յիսուսը չփախաւ՝ այդ միայն երկու ենթագրութիւնով կարելի է բացարեկ . կամ նա անպայման խաղաղասէր էր եւ քամահրեց իւր անձի փրկութիւնը ու երբեք չը մտածեց իւր հետեւորդներից հեռանալ , այդ գէպքում զինւելու պահանջը բացարձակապէս անմիտ կը լինի : Կամ իրօք զինւել պահանջւել է եւ այդ գէպքում միայն այն հասկանալի է , որպէս մի բնի ապատամբութեան նախապատրաստութեան պահանջ : Մի երրորդ ենթագրութիւն լինել չէ կարող :

Եթէ Յիսուսն իրօք ապրել է եւ իւր վախճանը իսկապէս խոր ազգեցութիւն է թողել իւր կուսակիցների վրայ , այն ժամանակ նա չէր կարող այնպէս ցաւալի կերպով վարւել , ինչպէս Վինդիշը ենթագրում է , թէ նա վտանգի րսպէին գլուխը կորցրեց եւ անբաւարար զինման անմիտ ցուցմունքներ տևեց , որոնք հակասում էին իւր ամբողջ ուսման եւ բացասում ամէն մի հետեւանք . ապա թէ նա նորից ուրիշ բան մտածեց , հրաժարւեց զինւած ապատամբութիւնից , մոռնալով իւր աշակերտներին նախակինի հակառակ կարգագրութիւն անել . եւ երբ նոքա իւր սեպհական պատէրների համաձայն սկսում են կռւել , ինքը առանց կափ անձնատուր է լինում : Այսպէս չի վարւի եւ ոչ մի հերոս , որի յիշատակը մարդիկ գնահատում են :

Ինչպէս ըոլորովին հակառակ ձեւով վարւեց Սոկրատէսը , երբ ճգնաժամը մօտենում էր :

Բայց դրանով սպառուում են այն առարկութիւնները , որոնք Վինդիշը բերել է ընդգէմ իմ ըմբռնման : Իսկ

իմ ըմբռնման յենարաններից մէկի՝ Յուղայի մատնութեան մասին՝ նա ոչինչ չի ասում:

Աւետարաններից երեւում է մի ուժեղ ու խոր ատելութիւն մատնիչ Յուղայի դէմ: Եթէ սա մի երեւակայական անձնաւորութիւն չէ, այլ մի պատմական անձնաւորութիւն, այն ժամանակ նա մեղանչած պէտք է լինի քրիստոնէական համայնքի վերաբերմամբ մի անշափ անարգ ու մեղալից գործով: Բայց ի՞նչ մեղադրանք է դրւում նրա վրայ աւետարաններում: Նա մատնել է իշխանութեան երեսուն դահեկանի համար, թէ ով էր Յիսուսը:

Կարելի է լուրջ բանի տեղ դնել այս երադարձութիւնը: Նոյն իսկ եթէ մեսիական ճանապարհորդութիւնը դէպի երուսաղէմ եւ դրամատէրերի արտաքսումը տաճարից մեծացրած կամ ամբողջապէս հնարովի համարինք, այնու ամենայնիւ եթէ Յիսուսն իրօք ասպել եւ տաելի էր դարձել իշխանութեան, ապա նա պէտք է մեծ ագիտացիա մղած լինէր, որ նրան յայսնի դարձրած կը լինէր լայն շրջանների: Եւ ա՛յդ գէպքում իւր հակառակորդները կարիք կ'ունենային կաշառելու նրա ամենահաւատատարիմներից մէկն, իմանալու համար, թէ ով էր նա:

Ի՞նչ կար երուսաղէմում իշխանութեան մատնելու համար, եթէ Յիսուսը միայն լուռ համբերութիւն եւ սեպհական անձի բարոյական բարձրացումն էր քարոզում: Ո չինչ, ըոլորովին ոչինչ: Միայն, եթէ Յիսուսը անդամ էր մի գաղտնի յեղափոխական կազմակերպութեան՝ այն ժամանակ Յուղան մատնելու մի բան կ'ունենար:

Այս արդումենտացիային վիճութքը չի համաձայնում: Նա մանրամասն նկարագրում է, թէ Յուղան ինչ մօտիւներ կարող էր ունենալ մատնելիս. մի նիւթ,

որ բացարձակապէս մի բանաստեղծի կը վերաբերէ եւ ոչ թէ մի պատմաբանի, որովհետեւ դրա համար չկան կարեւոր հիմունքներ եւ երեւակայութիւնը կարող է անսահման կերպով իշխել: Բայց ինչ որ Յուղան իսկապէս ունէր մատնելու համար, վիճութիշն շատ քիչ է հետաքրքրել: Նա մտածում է այս հարցի պատասխանը «Երկու սրերի» ցուցմունքով ստուալ: Սակայն երկու զինուածները մի «Ճիծաղելի միութիւն» էին հաստատել որ ինքն բատ ինքեան բացասում էր որ եւ է մի կուի ծրագիր: Դրա համար նա նկատում է մի ծանօթութեան մէջ «Այսպէս փարատում է նաեւ կառցկուայն ենթադրութիւնը, որ որպէս թէ այս դիմադրութեան ծրագիրն է եղել, որ Յուղան մատնել է կառագարութեան:

Սրերի երկու լինելն է վիճութիշի լուսաբանութեանց ալֆան եւ օմեղան, դա միակ առարկութիւնն է, որ նա իմ մեկնութեանց դէմ է գուրս բերում: Նա չի նկատում, որ սրերի այս երկութիւնը ոչ մի մեկնութեան համաձայն չէ եւ տեսալ կապակցութեան մէջ կատարեալ անմնտութիւն է ներկայացնում: Նա աշխատում է բռնել այս գննութեան մէջ ամէն մի շիւղից, որոնցից միմիայն խեղդուողներն են բռնում:

III

Սակայն եւ այնպէս վիճութիշի ջանքերը վերաբերում են միայն Յիսուսի անձնաւորութեան: Որ քրիստոնէական նախնական համայնքը իրաւ ըմբութեան տրամադրուած էր, նա ինքը խոստովանում է. նա ասում է հարցական կտորների մասին. «Նոքա յայսնապէս ցոյց են տալիս, ինչպէս Յիսուսը ապրում էր. այնպիսի հանգամանքներում, որ ըսնութեան մասին էր մտածում, եւ

թէ ինչպէս ինքը առ նուազն մի կարճ ժամանակ աչքի առաջ ունէր դորս անհրաժեշտութիւնը։ Նա յաղթահարեց փորձութիւնը։ Նա կանգնեց այնտեղ մաքուր, վրէժինդիր, արիւնոուշտ ու անողորմ աշխարհում՝ իբրեւ սիրոյ, խաղաղութեան եւ համբերութեան մարդ» (Ե. 50)։

Նա շարունակում է.

«Կարող են այն ժամանակ (ք. յ. Ա. դարում) քրիստոնեաներ եղած լինել, որոնք, ինչպէս Յիսուսի աշակերաները բռնի գիմագրութիւն էին ցանկանում գեթսեմանի այգում, այնպէս էլ նրանք ձգտէին հրէական ձեւով մեսիական կու առաջ բերել» (Ե. 75)։

«Ի զուր էր աշխատում Յիսուս Նազովեցին մեսիայով ոգեւորած հրէութեան մարտական ոգին իւր աշակերտների շրջանից դուրս վանել» (Ե. 77)։

«Այս բնաջնջ կուի բոլոր սարապիները, ինչպէս հանդարտիկ կերպով նկարագրում է այն հրէական վերջաբանութիւնը, քրիստոնէական յայնութիւնը Յիսուսի համայնքի թշնամիների առաջն է դրել։ Երկիւղակի դիւական գօրապեսներ եւ բանակներ, որոնք ոչնչացնում են մարդկանց մեծ մասին, երեւում են այստեղ որպէս մեսիա Յիսուսի առաքեալներ։ Վերջնական ճակատամարտը նաև ինքը պիտի առաջ։ Եւզբանի նկարագրութեան (Ս. գիրք) բոլորովին համապատասխան մի փայլուն պատկեր է դուրս բերում կու հերոս Յիսուսի առաջ։ Եւ այստեղ երեւում է նոյն միջոցին ճնշւած հրէութեան վրէժինդիր տրամադրութեան ինչ որ մի արտայայտութիւն։ Քրիստոնեաները, որոնք տանջւել էին, դողում էին հրէական մեսիական յուսոյ իրականացման համար» (Ե. 80)։

Այս խօսքերը շատ էլ չեն տարբերում նրանցից, որոնք ես ասել էի նախնական համայնքի ապստամբա-

կան արամագրութեան համար։ Եւ բանը նրանումն է, որ պատմական տեսակէտից նրանք են առաջին տեղը բռնում եւ ոչ թէ այն պատկերը, որ երեւակայում են մարդիկ Յիսուսի անձնաւորութեան համար։ Միայն Աստուածաբանների համար լոկ այսքանը բաւական է։ Ես բոլորովին դիտաւորութիւն չեմ ունեցել Յիսուսի կեանքը գրելու, ես ցանկացել եմ հետազօտել քրիստոնէական նախնական համայնքը, որպէս ՀԱՍՏԱԿԱՆԱԿԱՆՆ երեւոյթ։ Ես միանգամայն առկախ եմ թողել ինչ որ Յիսուսի անձնաւորութեան մասին կարելի էր ասել, եւս առաւել, որ այդ մասին ըստ աղքիւների որոշ եւ ամէնքից ընդունած բաներ առաջ չեն բերւած։ Ինչքան էլ ես Յիսուսի անձնաւորութեան մասին խօսում եմ, նրա մասին ասածները ընդունում եմ որպէս սիմպոմներ, ցուցումներ այն բոլորի, ինչ որ նրա մասին գրւած է, եւ ոչ թէ իւր Յիսուսի ճանաչման նշաններ։ Ես բոլորովին մի կողմն եմ թողնում, թէ Յիսուսը իշկապէս մի ապստամբ էր. կամ թէ արդեօք նա իրօք ապրել է։ Եթէ ես մատնանշում եմ, որ աւետարանի որոշ կտորներ Յիսուսին որպէս ապստամբ են ցոյց տալիս ապա այդ ինձ համար այն չափով միայն կարեւոր է, ինչ չափով նա ցոյց է տալիս, որ հին (քրիստոնէական) համայնքում կային տարբեր, որոնք ըմբռատութեան մըտածմունքներ ունէին եւ իրենց մտածմունքի արդարացման համար ընդունում էին Յիսուսին որպէս ապլատամբ։ Ես ասում եմ»。

«Ինչքան էլ հեզ ու խօսարհ երեւար Յիսուսը, անշուշտ նաև արտայայտում էր այլ տեսակ, որ ենթագրել է տալիս, թէ նա, իրօք ապրելիս լինէր, թէ լինէր մի երեւակայական տիպ, սկզբնական աւանդութիւններում ապրում էր որպէս ապստամբ, որը մի դժբաղդանյաջող ապստամբութեան պատճառով խաչեցաւ» («Քրիստոնէութեան ծագումը» Ե. 384)։

Այսպէս, եթէ վիճակիցը ինքը ընդունում է, որ նախնական քրիստոնէական համայնքում ապստամբական ողբին այնպէս ուժեղ է եղել, որ նրա գրականութեան մէջ արտայայտել է, այն ժամանակ նա ասում է այն բոլորը, որ ես ուզում եմ ասել: Այնուհետեւ ինչ որ նա բերում է իմ դէմ, շատ երկրորդական է: Նա կարծում է.

«Այն պրոցեսը, որ մենք այժմ նկարագրում ենք, ներկայացնում է իրենից հրէականացումն աւետարամի: Հրէական վերջաբանութեան աւանդութիւնը այստեղ աւելի ուժեղ է երեւում, քան Յիսուսի հոգին: Մարտական ամէն մի զօրացման բացառումը որ վարդապետում էր ուսուցիչը յաջորդ ժամանակներում որոշ շրջաններում յայտնապէս չէր յարդւում կամ նկատում էր միայն որպէս անցողական տրամադրութիւն: Յիսուսի կեանքըն ու մտածմունքները այս տեղ մոռացւում են: Հոգին որի դէմ Յիսուս կոռւել էր, վերջապէս նրան ընկճում է: Հրէական մեսիական պատկերը կախարդում էր հաւատացեալների միտքը: Քրիստոնէական գրւածքները աւանդում են վկայութիւններ մարտական մեսիականութեան եւ հարստացնում են մեր ծանօթութիւնները հրէական վերջաբանութեան մեսիական կուփի մասին:

«Այսպէս մենք գալիս ենք այն եզրակացութեան, որ կառուցկու հայեացքը շուռ է աւել երեւոյթների խակական ծագումը: Յիսուսի իրական մարտականութիւնը գունաւորւած է: Ոչ թէ մի ապստամք է խաղաղութեան եղբայր կոչւել, այլ մի մարդարէ եւ համբերող իւր ապագայ յայտնութեան համար գօտեւորւել է մեսիական հրաշալի սրով: Նրա զգացումների արհամարումով եւ գրանից բղխող բռնութեան դէմ ուղղւած բողոքով ու վրէժինդրութեամբ նա ստորացւում է մինչեւ մարդկային պատմութեան ապականիչը եւ վերջաբա-

նութեան սարսափների ուսուցիչը լինելու աստիճան»(ե.81): Հակառակ իմ ենթադրութեան մի փոփոխութեան, այն է, որ նախնական քրիստոնէական համայնքի սկզբնական ապստամբական միաբանութիւնը յետոյ փոխել է համբերատար հնազանդութեան, վիճակիչն ընդունում է կրկին փոփոխութիւն, առաջ քրիստոնէութիւնը խաղաղապէս նորից խաղաղաբար :

Միաբանութեանց այսպիսի արագ փոփոխութիւնը երբէք հնարաւորութեան սահմաններից դուրս չէ եւ ունի իւր անալօգիան յետագայ կոմունիստական հերձւածողական շարժումների մէջ:

Քանի պրօւետարիատը չէ հասարակութեան հիմք կազմողը, այլ միայն նրա աւելորդ մասը, ինչպէս նաև քան կապիտալիստական արդինաբերութեանը զարդանալը, նա չի կարող միայնակ գասակարգային լուրջ կոխ մղել: Եթէ հասարակութիւնը հանգիստ է, այն ժամանակ նրա համարեա ամենալաւ պաշտպանները ահարեկումն որոշ կերպով իւրաքանչիւր ըմբռատացում ընդդէմ եղած օրէնքի: Այդ ժամանակ նա այնքան զրկանք է կրում այդ օրէնքի ներքոյ, որ մի ուրիշ ուժեղ դասակարգից եղած իւրաքանչիւր հարկադրութիւն դառնում է պրօւետարիատի համար մի ազգանշան ապստամբելու եւ ուրիշ ըմբռատ գասակարգերին առաջ մղելու: Այն ժամանակ առաջ է գալիս հեշտութեամբ մի յանկարծակի ցատկումն խոնարհ համբերութիւնից դէպի ի արիւնալի ըննութիւն:

Այսպիսով նախնական քրիստոնէական համայնքում միաբանութեան բազմակի փոփոխութիւնը անկարելի չէր եւ ոչ էլ սխալ երեւող:

Վիճակիչի այդ եզրակացութիւնից մատերիալիստ պատմաբանն էլ կարող է շատ գոհ լինել: Զէ՞ որ բոլոր

աստուածաբանները ասում են մեզ, որ քրիստոնէութիւնը միայն Յիսուսի հոգու շնորհիւ է հաստատել: Իսկ այսուեղ մի աստուածաբան լինունում է, որ Յիսուսի հոգին ենթարկւած էր իր կուփի մէջ սօցիալական հանդամանքներից բղխող տրամադրութեանց ու կարիքների, որ հիմնողի գենտենցիները թիւրւում էին բոլորովին հակառակը եւ այնքան ուժեղանում այդ ուղղութեամբ, որ նոյն իսկ քրիստոնէական յետագայ պաշտօնական գրութեանց մէջ նրանից հետքեր էլ են պահւում: Ոչ թէ Յիսուսի անձնաւորութեան ու վարդապետութեան ամենակարողութիւնն է քրիստոնէական համայնքի մէջ մարտական մեսիականութիւնը բոլորովին փոխել, այլ հասարակական պայմանների փոփոխութիւնը, հրէական ամբողջութեան ոչնչացումը, ոչ հրէական տարրերի քրիստոնէութեան մէջ ընդունութիւր:

Քրիստոնէութեան տոռաջացման պատմութեան մէջ մատերիալիստական պատմահայեցողութեան մի աւելի լաւ հաստատումն եւ Յիսուսի հրաշագործութեան մի աւելի ուժեղ քննադատութիւն՝ մի աստուածաբանից անսպասելի է: Որպէսզի Յիսուսին զերծ ցոյց տայ աստամբական մտածմունքից, նա յայտարարում է, որ Յիսուսն անզօր էր իւր սեպհական աշակերտաների ապստամբական գենտենցիների դէմ:

Եթէ մենք հակառակ Վինդիշի լուսաբանութեան չենք կարող նրա եղանակացութեան գալ, այդ նրա համար, որ նա ընդունում է նոր Կտակարանի ծագման մի անհնարին պատմութիւն:

Համաձայն մեր ըմբանման այս գրքերի ընութեան վերաբերող կտորները լուսաբանուում են նրանով, որ նրանք խոր արմատացած տրադիցիաների մնացորդներն են, որոնք համայնքի լուծւելուց յետոյ, բոլորովին չհեռացւեցին. միայն մի այսպիսի տրադիցիայի արմատացումն էր հնարաւոր, եթէ նախնական համայնքը

իւր սկզբից ապստամբական էր եւ այն էլ առանց բացառութեան միաբանութեամբ տոգորւած:

Վինդիշի ենթադրութեան համաձայն՝ Յիսուսի մահ. ւանից յետոյ իւր աշակերտների մէջ առաջ եկաւ բռնութեան ձգտում, բայց մնացին նաեւ խաղաղարար միտումները, այլապէս անհականալի կը լինէր, ինչպէս Յիսուսի խաղաղ ու համբերատար պատկերը այնպիսի հանգամանքներում, ինչպէս աւետարանն է նկարագրում, բերանացի աւանդութիւնների մէջ կարող էր մնալ, որը ըստ Վինդիշի մի վստահելի տեղեկագիր է իրական հանգամանքների:

Եթէ Վինդիշի ենթադրութիւնը ճիշտ լինէր, այն ժամանակ քրիստոնէական համայնքի մէջ պէտք է կազմուեին երկու աւանդութիւններ, մէկը՝ խաղաղական, միւսը՝ մարտական: Վերջինը սկզբից եւեթ պէտք է կուած լինէր կեղծիքի դէմ, որը այն ժամանակ հազիւթէ հաւանութիւն գտնէր բոլորից, ուր մնաց թէ համայնքի գիտակցութեան մէջ այնպէս խորը արմատանար, որ խաղաղարար միտումներ ունեցող այդ աւանդութեանց յետագայ հաւաքողները բռնութեամբ տրամադրուած առանձին հոսանքներից, նրանց հակառակ լինելով հանդերձ, նօթեր վերցրած լինէին: Այդ դէպքում մարտական ընոյթ ունեցող աւանդութիւններից ամենաքիչ չափով չէր մտնի պաշտօնական գրքի մէջ մի եկեղեցու, որին իւրաքանչիւր ըմբոստութիւն պետական ուժի դէմ ըստ ամենայնի անհաճոյ էր: Եթէ խաղաղական ընոյթ ունեցող աւանդութիւնները յետ չմղւէին, մնային առանց ինքնահակասութեան, այն ժամանակ մարտականը որպէս կեղծիք՝ կը մերժէր:

Եկեղեցու համար հեշտ էր վճռել այդ խարդախումների հարցը, բայց միայն այն ժամանակ, երբ այդ քանը իր գործին գար: Անհաճոյ եղծումների դէմ նա

գիտէր խիստ քննադատող լինել; ինչպէս եւ անհաճոյ ճշմարտութիւնների դէմ:

Վինդիշի այս մեկնութիւնն էլ միայն մի փորձ է հին հանելուկը նորով եւ աւելի մեծով լուսաբանելու: Նրա համար ոյնչ նշանակութիւն չունի, բայց եթէ միայն աստուածաբանների կարկքը Յիսուսին ազատ կացուցանել քրիստոնէական նախնական համայնքի խոռվարար ոգու ամէն մի յարաբերութիւնից . մի բան, որ չկարելի ուրանալ: Նա անում է այս այն երկիւղի առաջ, թէ Յիսուսը իւր համայնքի հոգեւոր պետ լինելուց կ'իջնէ մինչեւ նրան չհասկացող, արհամարհող, իւր մէջ ամիկովուած մի առաջնորդի ստոր աստիճանը, մի առաջնորդի, որի վարդապետութիւնը խիստ հակասում եւ խեղդում էր նախկինի վարդապետութեան:

Նշանակալից է, որ պետական աստուածաբանութիւնը իւր կրօնի հիմնադրի անձնաւորութեան նւաստացմանը աւելի հաշտ աչքով է նայում, քան նրա ապօստամբ լինելուն:

(Պ Ե Բ Զ)



ՀՄԱՅՆՈՒ ԱՐԱՄԵԱՆՑԻ (Մ. ՇԽՈՏ) Հեղինակութիւնները, Թարգմանութիւնները եւ Հրատարակութիւնները : Դ. Փ.

1. Քիւրտ Պէկ, Բ. Տիազ (սպառած)	2
2. Անսատուածները,	5
3. Մերձեցում	2 20
4. Հնչակ	1 10
5. Հանրային դատաստանին »	—
6. Արամը, Բ. Տիազ	3 10
7. Դաս	1 10
8. Սեւ Հարսանիք	1 10
9. Քրդերը Տաճկա-Հայաստանու	5
10. Անմահն Ժիրայր, տրամ 5 արար	3
11. Թռնակալին Մահը, տրամ 3 արար	3
12. Միւսթէպտին վէֆաթը, տրամ 3 արար	2 20
13. Թուրբիոյ Ընդդիմադիր Տարրերը	1 20
14. Փախստականը	2
15. Հերոսուհիներ	3
16. Ազատութիւն Քաղ. և Տնտեսական	2
17. Թշուառների բոյրը	2
18. Ի՞նչ է Հայրենիքը	2
19. Կորչին Սօցիալ Դեմոքրատները	1 20
20. Գիւղական Ուսուցչի Զայնը	2
21. Երկու Երոպա	30
22. Հայուն Երգարանը (փառակազմ 15)	10
23. Դայլայլի Երգարան	8
24. Երկրագործութեան, անտառաց և հանքաց շահագործումն ու զարգացումը	30
25. ԿՈՂԱԿ, Ա. Տարի հաւաքածոյ	20
26. ԿՈՂԱԿ Բ. տարի հաւաքածոյ	20
27. ԿՈՂԱԿ Գ. տարի հաւաքածոյ	20
28. ԿՈՂԱԿ Դ. տարի ի բաժանորդագրութեան	20
29. ԳիշլԱՏՆԵՑ	10
30. Քարթ-բոսթալներ 30 տեսակ, հատը	10
31. Ապստամբ Յիսուսը (ընդ մամլով)	1
32. Պարսկաստան և Պարսիկ Յեղափոխութիւնը (ընդ մամլով)	6
33. Լրտեսներու Երկիրը և Ապտ-իւլ-Համիտ	6
Մեծաբանակ զնողներուն կարեւոր զեղջ	
Նամակ, թղթակցութիւն, դրամ եւն.	
Պրկել միայն հետեւեալ հասցէին՝	
Փոստարկդ, քիւ 125, Կ. Պոլիս	
Խմբագրատառնը կը գտնուի, Կ. Պոլիս	
Պապը Ալի Էպուսուա փողոց թիւ 27:	

卷之三

Mrs. Gabriel H. Malaktionian

22 Grand Street

Hartford Conn.

ՀՄԱՅԵԾԿ ԱՐԱՄԵԼԵՆՑԻ (Մ. ՇԽՈՏ) ՀԵ-
ՂԻՄԱԿՈՒԹԻՄՆԵՐԸ, ԹԱՐԳՄԱՆՈՒԹԻՄ-
ՆԵՐԸ Եւ ՀՐԱՄԱՐԱԿՈՒԹԻՄՆԵՐԸ : Դ. Փ.

1. Քիւրտ Պէկ, Բ. Տիպ (սպառած)	2
2. Անասուռածները,	5
3. Մերձեցում	2 20
4. Հեշակ	1 10
5. Հանրային դատաստանին	— —
6. Արամը, Բ. Տիպ	3 10
7. Դատ	1 10
8. Աւել Հարսանիք	1 10
9. Քրդերը Տաճկա-Հայաստանու	5
10. Անմահն Ժիրար, արամ 5 արար	3
11. Բռնակալին Մահը, արամ 3 արար	3
12. Միւսթէպիսին Վէֆամիքը, տրամ 3 արար	2 20
13. Թուրքիոյ Ընդդիմադիք Տարրերը	1 20
14. Փախստականը	2
15. Հերոսուհիներ	3
16. Ազատութիւն Քաղ. և Տնտեսական	2
17. Թշուառների Քոյրը	2
18. Ի՞նչ է Հայրենիքը	2
19. Կորչին Սօցիալ Գեմը բրատները	1 20
20. Գիւղական Ուսուցչի Զայնը	2
21. Երկու Եւրոպա	30
22. Հայուն Երգարանը (փառակազմ 15)	10
23. Դայլայլիկ Երգարան	8
24. Երկրագործութեան, անտառաց և հանքաց շահագործումն ու զարգացումը	30
25. Կոչչկ, Ա. Տարի հաւաքածոյ	20
26. Կոչչկ Բ. տարի հաւաքածոյ	20
27. Կոչչկ Գ. տարի հաւաքածոյ	20
28. Կոչչկ Դ. տարի ի բաժանորդագրութեան	20
29. Գիհջասնեսն	10
30. Քարթ-բռնալներ 30 տեսակ, հատը	10
31. Ապատամբ Յիսուսը (Ընդ մամլով)	1
32. Պարկաստան և Պարսիկ Յեղափոխու- թիւնը (Ընդ մամլով)	6
33. Արտեսներու Երկիրը և Ապտ-իւլ-Համիտ	6

Մեծախակ գնողներուն կարեւոր գեղջ
նամակ, թղթակցութիւն, դրամ եւն.

եւեալ հասցէին՝

և 125, Կ. Պոլիս

ևը կը գտնուի, Կ. Պոլիս

սուտ փողոց թիւ 27:

8089 - 8100

ՀՀ Ազգային գրադարան



NL1711122

ՀՀ Ազգային գրադարան



NL1711116

ՀՀ Ազգային գրադարան



NL1711115

ՀՀ Ազգային գրադարան



NL1711114

ՀՀ Ազգային գրադարան



NL1711113

ՀՀ Ազգային գրադարան



NL1711112

ՀՀ Ազգային գրադարան



NL1711111

ՀՀ Ազգային գրադարան



NL1711121

ՀՀ Ազգային գրադարան



NL1711120

ՀՀ Ազգային գրադարան



NL1711119

ՀՀ Ազգային գրադարան



NL1711118

